

四庫全書

史部

欽定四庫全書

欽定外藩蒙古回部王公表傳卷之五十七

傳第四十一

扎薩克固山貝子達哩列傳

達哩喀爾喀部人姓博爾濟吉特車臣汗烏默客
族祖父嘛察哩號伊勒登土謝圖為碩壘長子有
子三達哩其長也襲伊勒登號駐牧克魯倫河之
南博囉布達蘇康熙二十七年偕烏默客來歸授

濟農三十年正月遣弟齊旺達瑪璘等來貢四月
迎

覲多倫諾爾

詔授扎薩克固山貝子尋因老疾乞休

許之三十七年卒子三長阿海成伯勒襲貝子次車稜子

旺扎勒扎布授扎薩克台吉別有傳次喇布坦亦

襲貝子

一次襲阿海成伯勒達哩長子康熙三十一年襲

扎薩克固山貝子三十五年

上親征噶爾丹阿海成伯勒遣屬瑪哈杜喇爾為大軍嚮導凱旋隨父達哩絲服謁道左

慰勞之

召覲行幄

賜茶及銀幣並授瑪哈杜喇爾達爾漢號四十年卒弟阿喇布坦襲

二次襲阿喇布坦達哩第三子康熙四十年襲

扎薩克固山貝子五十四年獻駝助軍五十八年復
獻馬

諭獎之雍正十年卒子旺扎勒襲

三次襲旺扎勒阿喇布坦長子初授二等台吉雍
正十年襲扎薩克固山貝子乾隆二十七年卒子
伊達木扎布襲

四次襲伊達木扎布旺扎勒次子乾隆二十年偕
土謝圖汗部扎薩克台吉遜篤布俘逆賊阿睦爾

撒納努屬二十二年復偕同部輔國公車稜多岳
特追緝土謝圖汗部郡王丹忠多爾濟屬衆之逋
逃者二十七年襲扎薩克固山貝子四十六年

詔世襲罔替

扎薩克固山貝子車布登列傳

今襲輔國公

車布登喀爾喀部人姓博爾濟吉特車臣汗烏默
客從曾祖為碩壘汗第七子初號車臣濟農駐牧
克魯倫河之北巴留台康熙二十七年偕弟阿南

達布達扎布來歸二十八年授扎薩克三十年四月迎

覲多倫諾爾

詔封固山貝子仍兼扎薩克是年移牧喀爾喀河遣台吉阿巴拉等入貢

宴賚之三十四年卒子阿勒達爾襲

一次襲阿勒達爾車布登長子康熙三十四年隨郎中阿必達追緝叛賊罕篤軍旋率屬徙牧烏蘭

庫博爾三十五年襲扎薩克固山貝子四十一年卒子二長車稜布木降襲鎮國公次敦多布子車稜多岳特授扎薩克台吉別有傳

二次襲車稜布木阿勒達爾長子康熙四十二年襲扎薩克鎮國公五十三年卒子格埒克巴木丕勒降襲輔國公

三次襲格埒克巴木丕勒車稜布木長子康熙五十三年襲扎薩克輔國公雍正十一年以所屬巴

爾呼人由塔爾巴哈台遁俄羅斯格埒克巴木丕
勒馳擊之

賜雙眼孔雀翎尋助軍需得紀錄乾隆元年授所部副
將軍六年都統塔爾瑪善奉

命赴塞勒壁口閱防秋兵以格埒克巴木丕勒旗軍容
整

獎賚之尋復獻駝助軍得紀錄十九年杜爾伯特台吉
車梭等降定邊左副將軍成袞扎布檄以兵千由

烏里雅蘇台赴扎布堪禦準噶爾追者會扎哈沁
宰桑禡木特引二百騎擅入汛揚言準噶爾追且
至成衮扎布復檄由庫克嶺會叅贊大臣達青阿
軍未至禡木特逸告馬濟故後期議罪削爵

詔罰俸三年免削二十年從大軍勦達瓦齊定北將軍
班第劾督解駝馬遲誤罪

詔削副將軍及輔國公爵從軍贖罪達瓦齊既就擒阿
睦爾撒納叛賊黨克什木等擾伊犁格埒克巴木

丕勒奮擊被創為所留明年自伊犁還

命復扎薩克輔國公爵

賜雙眼孔雀翎

遣歸牧與郡王巴雅爾什第德木楚克等會緝其部齊
木齊格特人之肆劫者二十二年賊什第等就擒
叙功加一級二十五年來朝晉鎮國公

賜黃馬褂三十六年卒子衮布扎布降襲輔國公

四次襲衮布扎布格格埒克巴木丕勒長子初授二

等台吉乾隆二十四年擒嗎哈沁賊珠靖特穆爾
獎賚幣二十五年扈

駕木蘭行圍

賜孔雀翎三十二年以擒逃賊圖什爾格復

賚幣三十六年襲扎薩克輔國公

賜黃馬褂四十六年

諭曰衮布扎布之父格埒克巴木丕勒原襲輔國公以
軍務獲罪削爵嗣因赴伊犁奮勉効力復予原職經

朕特降旨晉封鎮國公出缺時既經照例減等承襲著即將扎薩克輔國公爵恩予世襲罔替

扎薩克固山貝子阿南達列傳

今襲一等台吉

阿南達喀爾喀部人姓博爾濟吉特車臣汗烏默客從曾祖為碩壘汗第十一子初號達賚台吉駐牧克嚕倫河之北索和尼康熙二十七年率子貢楚克噶爾旦冰圖丹津齊巴勒阿喇布坦暨台吉扎布伊勒登卓哩克圖垂爾車臣等來歸二十八

年授濟農及扎薩克

詔以所携屬戶分牧錫喇什寶台及烏珠穆沁界內之都
什多羅特浩齊特界內之固都哩呼而令阿南達
留牧阿魯科爾沁界內之呼魯蘇台往來防護會
其屬泰賴等糾衆肆劫

命嚴懲之三十年迎

覲多倫諾爾

詔封固山貝子仍兼扎薩克三十四年同部鎮國公罕篤

叛遁阿南達屬綽內色稜呼森岱鄂齊爾等數十
戶被掠因遣兵百餘由烏勒輝河迎郎中阿必達
軍同追緝遇綽內色稜子額驕格等携衆歸由琿
圖塔什海携至阿嚕科爾沁界內烏蘭庫博爾游
牧三十五年卒妻蘇嘛達喇請以第三子丹津襲
爵

詔丹津襲固山貝子其扎薩克以阿南達長子一等台吉

貢楚克襲別有傳

一次襲丹津阿南達第三子康熙三十六年襲固
山貝子四十四年卒其母蘇麻達喇奏丹津子延
楚布多爾濟幼請以阿南達第四子齊巴勒阿喇
布坦襲

允之

詔降襲鎮國公

二次襲齊巴勒阿喇布坦阿南達第四子康熙四
十四年襲鎮國公尋授扎薩克四十五年卒

詔以丹津子延楚布多爾濟襲

三次襲延楚布多爾濟丹津長子康熙四十五年襲扎薩克鎮國公五十一年獻馬助軍會

上由塞外行圍延楚布多爾濟隨其祖母蘇嘛達喇迎覲

賜蘇嘛達喇墨爾根哈屯號

諭曰爾一婦人能教孫大義協助軍需朕甚嘉悅俟軍需竣時必於爾孫額外加恩勉之雍正二年蘇嘛達喇携

延楚布多爾濟來朝

上曰延楚布多爾濟協助軍需夙蒙

聖祖仁皇帝嘉獎朕猶憶當年隨圍烏喇爾罕時伊祖母
手炊一飯以進食之甚甘此雖小節亦可想見其竭力
抒誠矣著加恩晉封延楚布多爾濟為扎薩克固山貝
子乾隆二十一年所屬齊木齊格特人肆剗延楚布多
爾濟不能戢乞避居阿巴噶部界

詔喀喇沁部貝子瑚圖靈阿會郡王德木楚克等嚴緝

之復

諭廷臣曰齊木齊格特人所居與呼倫貝爾甚近原係
延楚布多爾濟屬因伊不能約束妄生事端若不盡
行剪除地方何由寧謐著傳諭德木楚克等查出為
首倡亂之人即正典刑餘亦無庸交該扎薩克管轄
即賞給喀爾喀曾經効力之人為奴以示懲儆二十
二年擒賊什第等寘之法以延楚布多爾濟溺職
詔削爵子二長旺沁扎布次貢素嚨扎布相繼襲

四次襲旺沁扎布延楚布多爾濟長子乾隆二十二年襲扎薩克固山貝子二十五年以輕刑斃命削扎薩克

詔以其弟一等台吉貢素龍扎布襲別封旺沁扎布為閑散鎮國公互見彼傳

五次襲貢素龍扎布延楚布多爾濟次子乾隆二十五年襲扎薩克一等台吉四十六年

諭曰旺沁扎布之閑散鎮國公與貢素龍扎布之扎薩

克台吉原係其祖阿南達所封貝子遞行改授之爵
著加恩均予世襲罔替

附
鎮國公旺沁扎布列傳

旺沁扎布原封貝子延楚布多爾濟長子初襲其
父貝子爵互見彼傳乾隆二十五年改封鎮國公
四十六年

詔世襲罔替四十八年卒子垂濟扎布襲

一次襲垂濟扎布旺沁扎布長子乾隆四十八年

襲鎮國公

欽定外藩蒙古回部王公表傳卷之五十七

欽定四庫全書

欽定外藩蒙古回部王公表傳卷之五十八

傳第四十二

扎薩克鎮國公車布登列傳

車布登喀爾喀部人姓博爾濟吉特車臣汗烏默
客族叔父祖本巴號巴圖爾達爾漢琿台吉為碩
壘汗第四子有子三長噶爾瑪次洪俄爾岱青次
額爾克阿海噶爾瑪子二長即車布登次罕篤初

本巴以兵三萬援蘇尼特部叛人騰機思於扎濟
布拉克為我軍所敗本巴卒子洪俄爾岱青嗣為
琿台吉駐牧克嚕倫河之南穆壘和碩瑪塔特諸
界以時入貢最恭順康熙二十七年噶爾丹掠所
部誘執洪俄爾岱青屬達賴宰桑授之檄令還誘
其主洪俄爾岱青弗從遣使乞內附會

上幸塞外

駐蹕紅川洪俄爾岱青率衆來歸

召覲行幄

諭曰爾喀爾喀與厄魯特世世通貢朕一體優禮從無偏庇今聞互相結怨亟遣使諭令和睦使臣未至而喀爾喀敗遁悉至汎界朕以亂尚未定故留之未遣朕昔遣兵平定羅剎時爾母達賴喇納預備糗糧牛羊資送大軍今爾又率屬歸誠朕甚嘉之特賜爾御用朝珠一以示優眷尋

命附牧扎賚特界外琿圖塔什海二十八年授扎薩克

諭輯所屬潰散者二十九年以巴爾呼人肆劫

命尚書阿喇尼往緝擒其首詢知洪俄爾岱青及達賴宰桑為噶爾丹所掠不獲歸洪俄爾岱青兄子罕篤代領其衆

詔罕篤携衆入科爾沁界附親王沙津游牧罕篤至縱屬肆劫

命阿喇尼遣之出界其兄車布登乞留牧諭飭屬毋為盜三十年罕篤迎

覲多倫諾爾

上追念洪俄爾岱青內附誠

詔封罕篤為鎮國公襲洪俄爾岱青所遺扎薩克是年移
牧喀爾喀河三十四年額爾克阿海子錫喇布以
罕篤誘奪所屬瑚爾拉特等衆訴于

朝

遣官往鞠罕篤詭言車臣汗碩壘嘗以瑚爾拉特人畀其
祖噶爾瑪哲卜尊丹巴呼圖克圖猶識之詢哲卜

尊丹巴呼圖克圖則云界額爾克阿海不聞界噶
爾瑪同族郡王納木扎勒等皆右錫喇布事乃白
錫喇布以與罕篤訟仍隸其旗懼虐請改隸納木
扎勒旗罕篤怨錫喇布益遣人誘奪其屬會噶爾
丹掠巴顏烏蘭郎中音扎納奉

命往諭罕篤徙牧界內罕篤不從又以誘奪錫喇布屬懼
討執音扎納以叛脅台吉扎木巴拉等遁附俄羅
斯邀車布登與俱車布登不可泣告曰我等毫無

報効

聖主念我先世職貢有年

恩授爵秩今反謀他遁負

聖主恩辱先人業將安之罕篤卒弗聽車布登遣子圖巴
馳告納木扎勒而自與貝子朋素克率兵追至呼
拉齊大敗之復遣人往招以雪阻弗及時郎中阿
必達偕納木扎勒檄諸扎薩克兵由噶勒伯哩會
緝謀扎木巴拉等謀擒罕篤不克携衆歸罕篤由

博爾濟道俄儂河乃還于是車布登携屬由喀爾喀河烏蘭庫博爾附同族貝子阿南達游牧未幾俄羅斯擒獻罕篤伏誅

諭曰當罕篤叛遁時車布登感朕收養鴻恩不惟不從之同逃且能率兵追擊深明大義不顧私情朕甚嘉悅著即以罕篤鎮國公爵授之仍兼扎薩克三十六年請隨大軍勦噶爾丹

上知其乏馬

諭歸牧五十二年卒子圖巴襲

一次襲圖巴車布登長子康熙五十二年襲扎薩克鎮國公雍正十一年卒子扎木禪襲

二次襲扎木禪圖巴長子雍正十一年襲扎薩克鎮國公尋授所部副將軍叅贊乾隆六年都統塔爾瑪善奉

命赴塞勒壁口閱防秋兵以扎木禪旗軍容整獎賚之
三十二年卒子雲丹襲

三次襲雲丹扎木禪長子乾隆三十二年襲扎薩克鎮國公四十六年

詔世襲罔替

扎薩克輔國公車稜旺布列傳

車稜旺布喀爾喀部人姓博爾濟吉特貝勒車布登從弟祖巴特瑪達什父齊旺初授協理台吉隸車布登旗康熙五十年叙由敦都台察罕德呼蘇追緝巴爾呼逃人噶克圖冰圖功授一等台吉五

十一年

詔授扎薩克雍正元年偕車布登子貝勒旺扎勒追勦厄魯特逃賊羅卜藏錫喇布盡擒賊衆二年車臣汗
衮臣等表其功

詔封輔國公九年授盟長復偕旺扎勒赴察罕度爾軍營
十年率子台吉格埒克隨大軍擊準噶爾于額爾
德尼昭

獎賚獎乾隆七年以老罷子格埒克襲

一次襲格埒克車稜旺布長子乾隆七年襲扎薩克輔國公十九年獻馬助軍得紀錄二十一年偕同部郡王德木楚克等偵緝齊木齊格特刦賊于呼倫貝爾之西墨爾根哈瑪爾二十二年以病罷子貢楚克多爾濟襲

二次襲貢楚克多爾濟格埒克長子乾隆二十二年襲扎薩克輔國公三十六年薨

駕木蘭行圍

賜孔雀翎四十六年

諭曰貢楚克多爾濟所襲公爵原係其祖車稜旺布抒
誠効力所封朕體

世宗憲皇帝推恩之意不忍削除故令兩代承襲著恩予

世襲罔替

扎薩克輔國公車稜達什列傳

今襲一等台吉

車稜達什喀爾喀部人姓博爾濟吉特車臣汗烏
默客族祖父綽斯喜布為碩壘汗第六子有子三

長丹津子固魯扎布授扎薩克台吉別有傳次即
車稜達什次多爾濟達什授扎薩克台吉別有傳
初所部台吉之得貢九白者皆授扎薩克車稜達
什其一也號額爾德尼琿台吉康熙二十七年率
屬來歸三十年迎

覲多倫諾爾

詔授一等台吉仍兼扎薩克有巴達瑪達什者其戚族也
率千餘戶至尋卒子朋素克授一等台吉

命車稜達什並轄之三十五年

上親征噶爾丹車稜達什赴庫哩葉圖什巴爾台設汛防

守師旋督解軍需未踰期復獻駝馬助弁兵叙功

詔封輔國公三十六年請隨大軍勦噶爾丹

上知其乏馬

諭歸牧會屬台吉阿密拉等以宴困乞隸內地

命改隸察哈爾旗四十二年車稜達什卒子根敦襲

一次襲根敦車稜達什長子康熙四十二年襲扎

薩克輔國公雍正九年卒子三丕勒襲

二次襲三丕勒根敦次子雍正九年襲扎薩克輔國公乾隆九年卒子成衮襲

三次襲成衮三丕勒長子乾隆九年襲扎薩克輔國公十九年駐防鄂爾坤二十一年移駐烏里雅蘇台會和託輝特逆賊青衮咱卜叛成衮私歸游牧議削爵

詔赴鄂爾坤効力贖罪二十四年卒

諭曰成衮自獲罪後雖無効力之處但念伊卒于軍營
究屬可憫著伊子德木楚克降襲扎薩克一等台吉
不必仍襲公爵

四次襲德木楚克成衮長子乾隆二十四年襲扎
薩克一等台吉四十六年

詔世襲罔替

扎薩克輔國公車稜多岳特列傳

今襲一等台吉

車稜多岳特喀爾喀部人姓博爾濟吉特貝子阿

勒達爾孫台吉敦多布子康熙五十五年敦多布
由郭多里巴勒噶遜督駝運糧赴軍

獎賚幣雍正元年偕同部輔國公車稜旺布追擒厄魯特
逃賊羅卜藏錫喇布十年俄羅斯使入貢道被劫
敦多布遣人護之行且給糧

獎賜銀幣尋卒子車稜多岳特初授二等台吉乾隆十九
年駐防烏里雅蘇台獻馬五百助軍叙功晉一等
台吉先是其族扎薩克台吉齊旺等族被災乏食

車稜多岳特以羊千遺之二十年大軍勦達瓦齊
復獻馬六百牛百羊千濟軍

詔封扎薩克輔國公四十三年卒子車登扎布降襲扎
薩克一等台吉

一次襲車登扎布車稜多岳特長子乾隆四十三年襲扎薩克一等台吉四十四年卒子齊巴克扎
布襲

二次襲齊巴克扎布車登扎布長子乾隆四十四

年襲扎薩克一等台吉四十六年

詔世襲固替

欽定外藩蒙古回部王公表傳卷之五十八

欽定四庫全書

欽定外藩蒙古回部王公表傳卷之五十九

傳第四十三

扎薩克一等台吉多爾濟達什列傳

今襲公品級

多爾濟達什喀爾喀部人姓博爾濟吉特輔國公車校達什第初授二等台吉

賜扎薩克俸康熙五十年授扎薩克一等台吉雍正三年卒子成衮扎布襲

一次襲成衮扎布多爾濟達什長子雍正三年襲
扎薩克一等台吉十年大軍擊準噶爾于額爾德
尼昭成衮扎布獻馬助

賜孔雀翎并

賚白金是年其部巴爾呼八佐領人叛竄俄羅斯成衮扎
布率兵隨尚書查克丹追擒之無脫者乾隆二十
年大軍進勦達瓦齊於伊犁成衮扎布由烏里雅
蘇台赴阿魯博爾濟巴顏濟魯克督解駝馬

獎賜佩飾二十一年和託輝特逆賊青衮咱卜叛造偽符撤汎兵成衮扎布與土謝圖汗部扎薩克台吉遜薦布察其詐督兵嚴守各汎誓死拒

獎明大義

賜公品級三十六年卒子雲敦齊旺襲

二次襲雲敦齊旺成衮扎布長子乾隆三十六年

襲公品級扎薩克一等台吉三十九年卒子貢桑

班巴爾襲

三次襲貢桑班巴爾雲敦齊旺長子乾隆三十九年襲公品級扎薩克一等台吉四十六年

詔世襲固替

扎薩克一等台吉固噶扎布列傳

固噶扎布喀爾喀部人姓博爾濟吉特輔國公車
梭達什從子祖綽斯喜布父丹津固魯扎布初號
額爾德尼台吉駐牧克魯倫河之南鄂羅賴康熙
二十七年隨母達吉納哈屯來歸

命附牧烏珠穆沁界外哈爾吉勒岱喀喇瀚海其偕至台
吉沙克都爾等置阿巴噶界內巴顏鄂龍地康熙三十
年迎

覲多倫諾爾

詔授扎薩克一等台吉尋卒子齊旺班珠爾襲

一次襲齊旺班珠爾固魯扎布長子康熙三十一年襲扎薩克一等台吉三十五年移牧巴顏濟魯克奏佐領十有三今祇存三以雪盛損牧畜多乏

食者

賜粟賑之雍正十三年以病罷子格呼克襲

二次襲格埒克齊旺班珠爾長子雍正十三年襲
扎薩克一等台吉乾隆六年叅贊大臣都統塔爾
瑪善奉

命赴塞勒壁口開防秋兵以格埒克旗軍容弛嚴飭之八
年以解駝馬遲誤為所部副將軍扎薩克輔國公
巴蘇所劾

詔削職子索諾木敦多布襲

三次襲索諾木敦多布格埒克長子乾隆八年襲
扎薩克一等台吉二十一年隨土謝圖汗部親王
桑齋多爾濟駐防阿爾台烏蘭嶺二十三年扈

駕木蘭行圍

賜孔雀翎四十六年

詔世襲罔替

扎薩克一等台吉色稜達什列傳

色稜達什喀爾喀部人姓博爾濟吉特車臣汗烏
默客族叔父祖拉布哩號額爾克台吉為碩壘汗
第三子有子一曰諾捫宰桑琿台吉襲額爾克號
色稜達什其子也康熙十六年土謝圖汗察琿多
爾濟與噶爾丹構兵色稜達什偵噶爾丹使入貢
以兵三百擊之二十七年來歸三十年迎

覲多倫諾爾

詔授扎薩克一等台吉尋遣子固魯扎布貢駝馬

宴賚之四十一年卒固魯扎布襲

一次襲固魯扎布色稜達什長子康熙四十一年
襲扎薩克一等台吉雍正元年厄魯特降人羅卜
藏錫喇布等叛逃固魯扎布隨同部貝勒旺扎勒
追擒之八年督運鄂爾坤米赴烏里雅蘇台軍營
十年隨大軍敗準噶爾賊衆于額爾德尼昭乾隆
二年卒子貢楚克扎布襲

二次襲貢楚克扎布固魯扎布長子乾隆二年襲

扎薩克一等台吉八年以兵五百赴庫倫護視哲
卜尊丹巴呼圖克圖十八年解馬赴庫克訥塔爾
納飼牧十九年檄守塔密爾軍倉二十一年由翁
吉達什和碩解內扎薩克馬納烏里雅蘇台二十
六年督牧軍駝尋

命赴哈克圖助土謝圖汗部親王桑齋多爾濟購馬四
十六年

詔世襲罔替是年卒子瑪哈巴達襲

三次襲瑪哈巴達貢楚克扎布長子乾隆四十六年襲扎薩克一等台吉

扎薩克一等台吉貢楚克列傳

貢楚克喀爾喀部人姓博爾濟吉特扎薩克貝子阿南達長子康熙三十六年其弟丹津襲貝子爵詔貢楚克領扎薩克授一等台吉四十二年卒子二長布尼次達瑪琳扎布相繼襲

一次襲布尼貢楚克長子康熙四十二年襲扎薩

克一等台吉四十九年卒無嗣弟達瑪琳扎布襲
二次襲達瑪琳扎布貢楚克次子康熙四十九年
襲扎薩克一等台吉五十八年

詔以兵六百徙厄魯特降人羅卜藏錫喇布等于汗阿林
防護之雍正七年擒解既降復叛之克爾格斯烏
梁海赴呼倫貝爾安置十一年以酗酒削職子旺
舒克達爾扎襲

三次襲旺舒克達爾扎達瑪琳扎布長子雍正十

一年襲扎薩克一等台吉十二年以同族扎薩克
台吉沙克都爾扎布屬圖濟格等煽齊木齊格特
人遁俄羅斯且肆劫

命隨尚書查克丹率兵緝之無脫者乾隆十三年卒子貢
楚克扎布襲

四次襲貢楚克扎布旺舒克達爾扎長子乾隆十
三年襲扎薩克一等台吉十八年

詔赴庫倫駐防十九年移駐鄂爾坤二十年檄守塔密

爾軍倉尋移駐烏里雅蘇台四十六年

詔世襲罔替

扎薩克一等台吉韜賚列傳

韜賚喀爾喀部人姓博爾濟吉特車臣汗烏默客
從叔父其父穆彰號墨爾根楚琥爾烏默客祖諾
爾布伯兄也康熙三十年韜賚授間散台吉隸烏
默客旗三十四年隨郡王納木扎勒等由喀爾喀
河追擊叛賊罕篤尋請編屬丁六百自為一旗

詔授扎薩克一等台吉六十年卒子車登敦多布襲

一次襲車登敦多布韜賚長子康熙六十年襲扎
薩克一等台吉乾隆二年駐防鄂爾坤十九年由
鄂爾坤解軍械赴烏里雅蘇台二十年大軍進剿
達瓦齊於伊犁車登敦多布留軍營督駝馬二十
一年和託輝特逆賊青衮咱卜叛衆喀爾喀為所
煽多棄汎歸車登敦多布弗從督牧如故

詔嘉之

賜孔雀翎及幣二十九年卒子根敦扎布襲

二次襲根敦扎布車登敦多布長子乾隆二十九年襲扎薩克一等台吉四十六年

詔世襲罔替

欽定外藩蒙古回部王公表傳卷之五十九

欽定四庫全書

欽定外藩蒙古回部王公表傳卷之六十

傳第四十四

扎薩克一等台吉羅卜藏列傳

羅卜藏喀爾喀部人姓博爾濟吉特車臣汗烏默客從叔父其父布達號岱青琿台吉烏默客祖諾爾布仲兄也康熙三十年羅卜藏授間散台吉隸貝子朋素克旗三十六年叙擊叛賊罕篤功授扎

薩克一等台吉以所獲牲械

賜之五十四年卒子沙克都爾扎布襲

一次襲沙克都爾扎布羅卜藏長子康熙五十四年襲扎薩克一等台吉五十九年隨平逆將軍延信等由裏塘護達賴喇嘛入藏雍正元年叙功

詔封輔國公八年以曠怠削職子格木丕勒襲

二次襲格木丕勒沙克都爾扎布長子雍正八年襲扎薩克一等台吉十年以所屬巴爾呼人附俄

羅斯糾竊格木丕勒不能戢

命尚書查克丹率兵往緝乾隆元年格木丕勒卒仍

詔其父沙克都爾扎布襲扎薩克

三次襲沙克都爾扎布乾隆元年復襲扎薩克一

等台吉七年卒孫納旺伊什襲

四次襲納旺伊什格木丕勒長子乾隆七年襲扎

薩克一等台吉十七年駐防鄂爾坤二十一年赴

烏里雅蘇台督軍需會和託輝特逆賊青衮咱卜

叛納旺伊什與同部台吉桑齋璘沁私歸游牧議
削職

命赴軍効力二十五年

諭曰納旺伊什與桑齋璘沁削職後留居軍營効力有
年現在軍營無事伊等所獲之罪不過昏愚所致著
加恩給還原職四十六年

詔世襲罔替

扎薩克一等台吉垂扎木素列傳

垂扎木素喀爾喀部人姓博爾濟吉特車臣汗烏
默客叔父康熙四十年偕弟額爾德尼根敦來朝
上念其為舊車臣汗諾爾布之子授扎薩克一等台吉雍
正五年以老罷子二長齊旺多爾濟次旺扎勒相
繼襲

一次襲齊旺多爾濟垂扎木素長子雍正五年襲
扎薩克一等台吉十一年以庸懦削職弟旺扎勒
襲

二次襲旺扎勒垂扎木素次子雍正十一年襲扎薩克一等台吉乾隆四年駐防鄂爾坤二十五年以老罷子噶爾瑪扎布襲

三次襲噶爾瑪扎布旺扎勒長子乾隆二十五年襲扎薩克一等台吉四十三年卒子索諾木襲

四次襲索諾木噶爾瑪扎布長子乾隆四十三年襲扎薩克一等台吉四十六年

詔世襲罔替

扎薩克一等台吉額爾德尼列傳

額爾德尼喀爾喀部人姓博爾濟吉特車臣汗烏
默客叔父康熙三十五年從大軍征噶爾丹叙功
授一等台吉

命乾清門行走四十年來朝

上念其為舊車臣汗諾爾布之子授扎薩克雍正五年以
老罷子二長旺布次齊旺相繼襲

一次襲旺布額爾德尼長子雍正五年襲扎薩克

一等台吉十年以縱囚罪削職弟齊旺襲

二次襲齊旺額爾德尼次子雍正十一年襲扎薩克一等台吉乾隆元年駐防鄂爾坤二十五年以老罷子車登旺扎勒襲

三次襲車登旺扎勒齊旺長子乾隆二十五年襲扎薩克一等台吉三十七年卒子扎木巴勒多爾濟襲

四次襲扎木巴勒多爾濟車登旺扎勒長子乾隆

三十七年襲扎薩克一等台吉四十六年

詔世襲罔替

扎薩克一等台吉根敦列傳

根敦喀爾喀部人姓博爾濟吉特車臣汗烏默客
叔父康熙四十年來朝

上念其為舊車臣汗諾爾布之子授扎薩克一等台吉雍
正五年以老罷子博洛爾襲

一次襲博洛爾根敦第三子雍正五年襲扎薩克

一等台吉乾隆十五年卒子翰克襲

二次襲翰克博洛爾長子乾隆十五年襲扎薩克

一等台吉四十四年卒弟僧格喇布坦襲

三次襲僧格喇布坦博洛爾次子乾隆四十四年

襲扎薩克一等台吉四十六年

詔世襲罔替

扎薩克一等台吉吹音珠爾列傳

吹音珠爾喀爾喀部人姓博爾濟吉特車臣汗烏

默客族叔父祖察布哩號額爾德尼台吉為碩壘
汗次子有子一曰色稜達什襲額爾德尼號吹音
珠爾其子也初授協理台吉隸貝子喇布坦旗康
熙五十二年請編屬丁五百自為一旗

詔授扎薩克一等台吉五十二年卒子二長車布登先卒

次塔旺襲扎薩克

一次襲塔旺吹音珠爾次子康熙五十三年襲扎
薩克一等台吉雍正十三年以縱屬擅取民物議

削職

命其從子齊瑚拉襲

二次襲齊瑚拉吹音珠爾長子車布登之子雍正
十年隨大軍敗準噶爾於額爾德尼昭尋駐防鄂
爾坤十三年襲扎薩克一等台吉乾隆七年卒子
桑齋琳沁襲

三次襲桑齋琳沁齊瑚拉長子乾隆七年襲扎薩
克一等台吉二十年隨大軍勦達瓦齊二十一年

和託輝特逆賊青衮咱卜叛桑齋琳沁與同部台吉納旺伊什私歸游牧議削職

命赴軍効力二十五年

詔復職二十六年督牧駝馬三十四年卒子軍子楚克

蘇木扎布襲

四次襲楚克蘇木扎布桑齋琳沁長子乾隆三十五年襲扎薩克一等台吉四十六年

詔世襲罔替

扎薩克一等台吉旺扎勒扎布列傳

旺扎勒扎布喀爾喀部人姓博爾濟吉特扎薩克
貝子達哩孫台吉車稜子初授二等台吉隸貝子
旺扎勒旗雍正十三年獻駝馬助軍

詔授一等台吉

賚幣乾隆八年駐防鄂爾坤攜牲械濟兵

賜孔雀翎十四年捐貲造矢千送軍營并以羊四千餘
給兵

諭曰旺扎勒扎布前因屢助軍需授一等台吉今復備辦軍器協濟口糧感恩効力殊可嘉尚著加恩授扎

薩克二十五年卒子班珠爾襲

一次襲班珠爾旺扎勒扎布長子乾隆二十五年

襲扎薩克一等台吉四十二年卒子車稜達什襲

二次襲車稜達什班珠爾長子乾隆四十二年襲

扎薩克一等台吉四十六年

詔世襲罔替

欽定外藩蒙古回部王公表傳卷之六十

欽定四庫全書

史部

欽定外藩蒙古回部王公表傳卷六十八至

主事臣陳若霖覆校

總校官編修臣倉聖脉

欽定四庫全書

欽定外藩蒙古回部王公表傳卷之六十一
傳第四十五

喀爾喀扎薩克圖汗部總傳

扎薩克圖汗部稱喀爾喀西路至

京師四千餘里東界翁錦西爾哈勒珠特西界喀喇
烏蘇額埒克諾爾南界阿爾察喀喇託輝北界推
河元太祖十六世孫格呼森扎扎賚爾琿台吉有

子七分掌喀爾喀左右翼左翼徙牧圖拉河界右翼仍留居杭愛山其長子阿什海達爾漢琿台吉次子諾顏泰哈坦巴圖爾第四子德勒登昆都倫第七子鄂特歡諾顏同掌之今扎薩克圖汗部十九扎薩克自厄魯特一旗外皆其裔阿什海達爾漢琿台吉子二長巴延達喇子賚瑚爾汗為原封扎薩克圖汗策旺扎布及扎薩克貝勒卓特巴台吉喇布坦額爾德尼袞布三旗祖次圖捫達喇岱

青子碩壘烏巴什號琿台吉為扎薩克貝勒根敦
輔國公沙克扎齊巴克扎布台吉納瑪琳藏布達
什朋素克五旗祖諾顏泰哈坦巴圖爾生土伯特
哈坦巴圖爾子二長崆奎號車臣濟農為扎薩克
郡王朋素克喇布坦貝子博貝輔國公索諾木伊
斯扎布台吉烏爾占哈瑪爾岱青五旗祖次賽因
巴特瑪號哈坦巴圖爾為扎薩克輔國公衮占台
吉伊達木扎布二旗祖德勒登昆都倫生鍾圖岱

號巴圖爾為扎薩克台吉諾爾布一旗祖鄂特歡
諾顏生青達瑪尼默濟克號車臣諾顏為扎薩克
輔國公通謨克台吉普爾普車稜二旗祖初賚瑚
爾為喀爾喀右翼長所部以汗稱傳子素巴第始
號扎薩克圖汗與其族土謝圖汗衮布車臣汗碩
壘同時稱三汗碩壘通好最先衮布次之素巴第
最後崇德三年以其部謀掠歸化城

上統師征所部遁素巴第遣使謝罪並貢馬及獨峯駝無

尾羊

諭曰朕以兵討有罪以德撫無罪惟行正義故

上天垂佑蒙古察哈爾諸部皆以昇朕爾等皆其所屬當
即相率歸誠不則亦惟謹守爾界乃反興兵構怨謀肆
侵掠豈以遠處西北即為征討不及之區耶今與爾約
嗣後慎勿復入歸化城界重貽罪戾五年復

賜敕誠諭順治四年素巴第聞

詔責碩壘衮布等納蘇尼特叛人騰機思及掠巴林罪欲

代解偕同族俄木布額爾德尼上書乞好

上因其書不稱名詞近悖慢切責之七年俄木布額爾德尼等詭稱行獵私入歸化城界掠牧產

遣官飭歸所掠會素巴第卒子諾爾布嗣稱畢錫呼勒圖汗遣使入貢

諭曰朕本欲許爾等和好故命察歸所掠以贖前罪今爾等反以朕留爾逃人為詞是何心耶朕統一四海爾等彈丸小國勿恃荒遠勿聽奸詞致隕爾緒十二年諾爾

布偕俄木布額爾德尼各遣子來朝謝罪十四年
復偕同族車臣濟農昆都倫陀音奉表乞好

詔宥前罪十六年

遣大臣齎服物

諭賚之先是喀爾喀左右翼設八扎薩克諾爾布及俄木
布額爾德尼車臣濟農昆都倫陀音各領右翼扎
薩克之一諾爾布卒子旺舒克襲仍號扎薩克圖
汗俄木布額爾德尼卒子額琳沁襲號羅卜藏台

吉康熙元年額琳沁以私憾襲殺旺舒克奔就厄魯特其叔父衮布伊勒登避難來歸封扎薩克貝勒駐牧喜峯口外察罕和朔圖詳喀爾喀左翼部總傳九年

命旺舒克弟成衮襲扎薩克圖汗號輯其衆二十三年成衮以額琳沁之亂屬衆潰多往依左翼土謝圖汗部察琿多爾濟屢索不獲與構釁

命阿齊圖格隆等諭解之會成衮卒厄魯特噶爾丹謀掠

喀爾喀誘成衮子沙喇攻察琿多爾濟沙喇因會
噶爾丹於固爾班赫格爾台吉德克德赫等從往
察琿多爾濟惡之追殺沙喇及德克德赫二十七
年噶爾丹以兵三萬掠喀爾喀至杭愛山所部大
潰沙喇弟策旺扎布偕同族色稜阿海等相繼來
歸

詔附牧烏喇特諸部界三十年

駕幸多倫諾爾會閱以所部屢經變亂被芟夷

詔封色稜阿海等王貝子台吉有差各授扎薩克令集所屬編佐領撫輯之而以策旺扎布為扎薩克圖汗成衮子

特封和碩親王統其衆自是始稱扎薩克圖汗部三十一年定所部為喀爾喀西路三十六年

詔歸杭愛山游牧四十年

賜牧產贍之尋

命策旺扎布仍襲扎薩克圖汗號雍正四年

遣額駙策凌等赴阿爾台勘所部與準噶爾界九年大軍
勦噶爾丹策凌

詔所部扎薩克等內徙游牧十年以準噶爾敗遁

諭曰去歲朕降旨令爾等徙居內地並不感悅遵行屢次
催促始勉強遷移今幸大軍於蘇克阿勒達呼及額爾
德尼昭兩敗賊衆爾等始得安居否則豈能保護牲畜
乎朕思爾等本屬一體豈有甘居庸懦受人庇蔭之理
嗣後各宜激烈奮發不惟永享昇平亦且垂光史冊矣

是年扎薩克圖汗策旺扎布以從征退縮罪削爵
詔郡王朋素克喇布坦子格埒克延丕勒襲汗號十二年
調兵駐防察罕度爾乾隆元年選兵赴鄂爾坤防
秋二年定邊大將軍平郡王福彭奏喀爾喀四部
防秋兵皆駐鄂爾坤扎薩克圖汗部駐牧扎克拜
達哩克西南距鄂爾坤尤邇請即令在彼駐防徵調
無難即至

詔如所請五年

諭曰前以軍務方興恐爾部游牧被賊侵擾悉令內徙
今噶爾丹策凌謹遵朕旨奏稱不敢越阿爾台游牧
甚屬恭順朕亦降旨令爾部游牧毋越扎布堪齊克
慎哈薩克圖庫克嶺等處爾等當遍諭所屬永遠遵
行倘有違令生事者嚴行治罪況今雖許準噶爾和
好罷息干戈而平日不可不訓習武備爾等其留意毋
忽六年

命叅贊大臣副都統慶泰察閱防秋兵於哈里勒邁十

三年選駝五百運歸化城米赴塔密爾軍營十六年

敕禁所部越境與準噶爾及回衆私市十七年選兵千駐防錫喇烏蘇二十年隨大軍進勦達瓦齊二十年以其部和託輝特郡王青衮咱卜叛誅之尋諭諸扎薩克曰前因青衮咱卜負恩背叛散布流言衆喀爾喀間有煽動經朕訓諭爾等旋知悔悟各奉職守今逆賊就誅黨附人等應分別治罪以彰國憲但

爾等為國家臣僕百餘年誤聽浮言致干罪戾並非
有心附賊免其查究嗣後益宜仰體朕恩漸滌前愆
約束所屬各案本業綏靜邊隅長享太平之福先是
扎薩克圖汗部編佐領分十旗後增八旗附厄魯
特一旗扎薩克十有九盟於扎克畢賴色欽畢都
哩雅諾爾設正副盟長各一副將軍叅贊各一爵
二十有二扎薩克圖汗兼多羅郡王一附公品級
三等台吉一由輔國公降襲扎薩克郡王品級多

羅貝勒一扎薩克鎮國公二一由貝勒降襲一由
扎薩克台吉晉襲扎薩克輔國公六一由貝子降
襲附輔國公一扎薩克一等台吉八附輔國公一
厄魯特扎薩克一等台吉一

原封扎薩克圖汗和碩親王策旺扎布列傳

以罪削爵

其族弟多羅郡王格埒克延
丕勒襲扎薩克圖汗別有傳

策旺扎布喀爾喀部人姓博爾濟吉特元太祖裔
格呼森扎扎賚爾琿台吉之七世孫其曾祖曰素

巴第為喀爾喀三汗之一號扎薩克圖汗子諾爾
布繼之有子四長綽墨爾根次旺舒克次成袞次
噶爾旦呼圖克圖成袞子三長沙喇次色布騰次
即策旺扎布初旺舒克嗣父諾爾布稱汗為同族
羅卜藏台吉額琳沁所戕土謝圖汗察琿多爾濟
及丹津喇嘛兵擊之額琳沁奔厄魯特旺舒克兄
綽墨爾根因自立為汗以未請於

朝衆弗附多歸察琿多爾濟康熙九年

詔廢綽墨爾根以成衮襲扎薩克圖汗二十一年

命都統阿密達等往賚冠服佩帶弓刀器幣成衮既襲汗
遣告察琿多爾濟索逃衆匪弗予至是厄魯特台
吉噶爾丹送額琳沁歸成衮以舊列八扎薩克令
隨已入貢額琳沁懼前罪約俄羅斯攻成衮成衮
覺遣子沙喇率兵萬餘襲執額琳沁尋逸復奔厄
魯特成衮盡收其戶畜復遣赴察琿多爾濟所索
逃衆會達賴喇嘛遣阿爾布奈召察琿多爾濟與

成袞盟卒弗聽成袞自是與察琿多爾濟交惡二

十三年

遣阿齊圖格隆約達賴喇嘛使赴其部諭和會達賴喇嘛
所遣叅巴陳布呼圖克圖至歸化城疾卒

召阿齊圖格隆還二十五年達賴喇嘛復遣噶爾旦西勒
圖往尚書阿喇尼齋

敕會未至成袞卒

詔其子沙喇襲扎薩克圖汗尋隨阿喇尼赴庫倫伯勒齊

爾與察琿多爾濟盟察琿多爾濟僅歸逃衆之半
復交惡二十六年噶爾丹與察琿多爾濟構兵沙
喇女兄之夫曰阿喇布坦為噶爾丹戚族噶爾丹
誘沙喇往會沙喇因率台吉德克德赫卓特巴移
牧就阿喇布坦察琿多爾濟追及之沙喇被殺屬
衆潰二十七年噶爾丹掠杭愛山遷沙喇妻布尼
達喇子巴朗恭格格色克居阿爾台山陽策旺扎
布隨母扎爾穆轉徙年餘遂相失二十九年三月

巴朗等由阿爾台逃歸遇卓特巴偕內附聞同族
岳蘇圖阿海游牧烏蘭往依之五月來朝乞襲汗
上憫其父沙喇無辜被殺欲俟會閱以雪其冤而後命之
襲未許也明年四月

駕幸多倫諾爾巴朗與弟恭格已相繼卒格色克以幼不
能赴策旺扎布自與母相失困靡依至是長史瑪
尼圖以小車載之入

覲

諭曰扎薩克圖汗沙喇存日抒誠奉貢備著勤勞若其子
巴朗尚在即應襲封但今已身故策旺扎布係沙喇弟
年雖幼衆皆稱賢著加恩封和碩親王代領部衆尋

台宴

御前策旺扎布以次應列車臣汗烏默客後

特命先之並

賜冠服朝珠九月

命駐牧歸化城北以岳蘇圖阿海理旗務十月封格色克

輔國公附策旺扎布旗別有傳十二月所屬乏食
賑之三十一年來朝

優賚遣歸初策旺扎布有姑曰額爾克布第素克為噶爾
丹所掠尋釋歸台吉羅卜藏貧不給諾爾布妾烏
特罕默齊克自厄魯特逃歸與遇因偕赴歸化城
乞賑會喇嘛商南多爾濟奉使青海攜策旺扎布
母扎爾穆至

詔悉歸策旺扎布令完聚三十五年大軍敗噶爾丹以阿

喇布坦謀降未決

諭遣長史瑪尼圖往招之至四十二年尚縣主授多羅額

駙尋晉和碩額駙

命襲扎薩克圖汗號四十四年迎

覲喀喇河屯

賜鞍馬銀幣嗣是每

時巡輒入

覲

錫賚便蕃雍正九年授所部副將軍隨靖邊大將軍順承親王錫保駐察罕廋爾軍營以額駙郡王策凌等敗準噶爾賊酋大策凌敦多卜於蘇克阿勒達呼優賜策旺扎布銀五千先是

命所部游牧內徙衆扎薩克戀故土不即徙牲畜多失至是策旺扎布自請償

詔免十年小策凌敦多卜掠克爾森齊老振武將軍傅爾丹由烏遜珠勒邀擊之策旺扎布勒不力棄軍歸

且縱屬刼糧議削爵論死

諭曰策旺扎布昔為噶爾丹所掠流離遷徙狼狽來歸

聖祖仁皇帝憫其窮困收集潰散人戶悉以畀之封親王授額駙游襲汗號恩養備至朕念伊係一部之汗復授副將軍俾赴軍營統兵進勦乃甫與賊戰望風奔潰擾動衆心復不歸軍營勿遽移居內地恬不知恥反藉保護游牧為詞且並不約束所屬任令刼糧沿途商賈亦被侵擾甚玷國家養育之恩理應於削爵後立正典刑

但念伊祖父累代抒誠不忍予以顯戮著從寬免死永
遠監禁朕觀伊族弟多羅郡王格埒克延丕勒人材出
衆此次追擊準噶爾奮勇効力足為所部表率著加恩
襲封扎薩克圖汗兼副將軍至策旺扎布屬人膽敢劫
糧不可不示懲儆著御前侍衛旺扎勒赴歸化城傳諭
格埒克延丕勒嚴緝治罪

欽定外藩蒙古回部王公表傳卷之六十一

欽定四庫全書

欽定外藩蒙古回部王公表傳卷之六十二

傳第四十六

扎薩克多羅郡王朋素克喇布坦列傳

今係扎薩克圖汗黨

襲

朋素克喇布坦喀爾喀部人姓博爾濟吉特元太祖裔格呼森扎扎賚爾琿台吉之六世孫曾祖崆奎號車臣濟農居伯蘇特子六長策璘楚琥爾生

多爾濟見輔國公索諾木伊斯扎布傳次策哩斯
奇布賽因阿海生巴喇斯騰額哩陀音見貝子博
貝傳次固魯諾木齊生博托果見扎薩克台吉哈
瑪爾岱青傳次濟農陀音生薩瑪第號額爾德尼
濟農即朋素克喇布坦父次察噶斯奇布生烏爾
占授扎薩克次諾爾布額爾德尼生衮布扎布封
輔國公均有傳初多爾濟為右翼扎薩克之一嘗
以濟農號奉貢康熙十九年扎薩克圖汗成衮與

多爾濟隙奪濟農號授薩瑪第俾代貢九白理藩
院請却其使

詔納之二十一年

命都統喇克達等往賚冠服佩帶弓刀器幣二十五年朋
素克喇布坦嗣稱額爾德尼濟農遣使貢

上聞成袞與土謝圖汗察琿多爾濟交惡

詔朋素克喇布坦導之修好

賜珊瑚朝珠二十九年來朝三十年迎

覲多倫諾爾時多爾濟子索諾木伊斯扎布乞襲車臣濟
農朋素克喇布坦詐世為額爾德尼濟農奉貢有
年不應居索諾木伊斯扎布後且出前所

賜朝珠為信

詔除濟農舊號封扎薩克多羅郡王三十六年

上視師寧夏朋素克喇布坦來朝請

駕臨牧

許之尋授盟長五十一年卒子格埒克延丕勒襲

一次襲格埒克延丕勒朋素克喇布坦長子康熙
五十一年襲扎薩克多羅郡王五十四年隨散秩
大臣祁里德赴推河防禦策妄阿喇布坦五十六
年移駐塔斯果爾瑪及哲斯庫布帖爾庫業根會
大軍由布魯勒擒厄魯特羅卜藏錫喇布等還至
和通呼爾哈諾爾格埒克延丕勒獻牲畜濟軍雍
正八年

詔偕同部輔國公通謨克以兵千赴塔爾弼阿魯誥助前

鋒統領定壽防禦準噶爾時賊酋謀犯阿濟畢濟
界定壽屯伊克斯諾爾遏賊衝故令格埒克延丕
勒等助之九年秋還駐科布多尋偕侍郎查克丹
由烏遜珠勒分擊賊衆於齊克齊諾爾冬十月賊
入阿濟掠通謨克屬格埒克延丕勒牧地邇亦被
掠振武將軍傅爾丹檄由科布多馳歸即內徙十
一月

遣侍衛常尼慰諭十年春

頒牲糧賑被掠人戶並

賜銀千兩

諭隨建勲將軍達爾濟駐防伯格爾尋授盟長會準噶爾
賊由克爾森齊老轉掠額爾德尼昭為額駙親王
策凌所敗格埒克延丕勒引兵由拜達哩克追至
哈琳城復由布克哈喇追至烏蘭布拉克斬賊數
百擄其孳偵走庫爾圖勒夜攻之斬四百餘級獲
牲械無算賊潰遁

諭獎之方賊衆之掠克爾森齊老也扎薩克圖汗策旺扎布棄軍私歸且縱屬劫糧議罪削爵

詔格埒克延丕勒襲扎薩克圖汗仍留多羅郡王爵兼授所部副將軍是年冬遵

旨議防游牧奏洪郭爾鄂隆可駐兵千東南百餘里外圖伯策克可駐二千西什巴爾台河至濟爾噶朗圖可駐三千請令都統哈什哈副都統綽爾多等率兵分駐

詔如議十一年春

命督辦軍駝格埒克延丕勒選健駝以獻

詔察策旺扎布舊屬令轄之尋請入

覲

諭隨定邊大將軍平郡王福彭駐烏里雅蘇台

賜元狐冠服冬請隨額駙策凌由科布多進勦

諭曰爾初襲汗號現駐軍營董率爾屬保護游牧自可出

力報効況軍營蒙古王公甚少爾可無庸隨往十二年

五月解駝馬赴科布多以策凌入

覲

諭留屯科布多轄蒙古兵十三年四月還駐烏里雅蘇台
十月奏臣游牧舊在察罕廋爾附近崆格地以準
噶爾掠內移現居鄂爾坤迤西哈魯納不利畜牧
請外徙推河伊克鄂拉翁吉等處不惟生計可復
且距軍營近効力便

詔策凌等議尋議所請地為賽因諾顏部親王德沁扎布

扎薩克台吉阿保吹木丕勒牧錯處不便應令所屬以納壘察罕和賴霍克鄂拉等處為界就推河鄂羅克諾爾和爾博爾津阿爾察喀喇托輝東伊克鄂拉山陰度濟迤西游牧從之乾隆元年遵

旨議駐兵備邊請選內地兵萬駐鄂爾坤三千駐烏里雅蘇台伺賊踪決進止選西三部兵萬車臣汗部兵五千以三千分駐偉袞特里默及台錫里餘萬二千令副將軍扎薩克等訓練備調至扎布堪台錫

里崆格特斯四地請仍設內汛令蒙古游牧無踰
察罕和羅畢留台齊老圖色楞額

上以言多可採示廷臣是年

命駐防偉袞特里默

賜貂冠及裘五年五月定所部游牧自鄂爾海取中南
以博羅椿濟塔爾喇布喀岱罕諾爾黨納爾台圖
穆爾哈巴沙喇布魯都奇齊格納阿魯通津鄂倫
諾爾達蘭固魯北以額德爾齊德爾伯勒齊爾準

舒瑪勒台桑錦達賚喀喇塔爾阿勒坦噶達蘇為
界

諭嚴飭屬人毋越汛十月偕策凌等議烏里雅蘇台及
鄂爾坤專用喀爾喀兵駐防從之六年卒子巴勒
達爾襲

二次襲巴勒達爾格埒克延丕勒長子乾隆六年
襲扎薩克多羅郡王七年來朝

諭曰扎薩克汗號尚未承襲已召郡王巴勒達爾偕原

封扎薩克圖汗策旺扎布兄孫輔國公多岳特入覲
朕思策旺扎布身獲重譴兼乏子嗣而格埒克延丕
勒自襲汗以來効力軍營甚屬奮勉其子自應承襲
況多岳特又非應襲汗號之人其扎薩克圖汗仍著
郡王巴勒達爾承襲是年冬授盟長十三年所屬有
多爾濟者匿厄魯特逃人察岱歲餘巴勒達爾始
縛獻額駙策凌劾不嚴緝賊罪

詔免議十七年偕副都統達青阿以兵三千駐防鄂爾

海喀喇烏蘇十八年獻駝馬助軍十九年以杜爾伯特部台吉車凌車凌烏巴什車凌蒙克等率屬降為喀爾喀人所虐

詔偕土謝圖汗部扎薩克台吉達什丕勒駐巴雅特防護之未幾車凌蒙克子巴朗叛逃巴勒達爾馳報烏里雅蘇台軍分路追緝

獎賜冠服及幣

諭仍駐巴雅特二十一年和託輝特逆賊青衮咱卜叛

檄杜爾伯特兵赴軍青衮咱卜揚言將盡擒喀爾喀王公治罪巴勒達爾以游牧密邇和託輝特懼禍私歸

上鑒其無他

詔定邊左副將軍親王成衮扎布諭勿疑懼令協勦青衮咱卜冬授所部副將軍二十三年來朝

命乾清門行走二十五年扈

駕木蘭行圍

命之射

賜三眼孔雀翎及黃馬褂三十年

命御前行走三十二年

賜杏黃轡三十五年卒子齊旺巴勒齋襲

三次襲齊旺巴勒齋巴勒達爾長子初授一等台
吉

賜公品級乾隆二十五年扈

駕木蘭行圍

賜孔雀翎二十八年署盟長二十九年

賜黃馬褂三十二年

命乾清門行走三十三年轄烏里雅蘇台軍營學舍三

十五年襲扎薩克圖汗兼多羅郡王尋授盟長四

十年

賜三眼孔雀翎四十三年

賜其子貝喇特納公品級四十六年

諭曰扎薩克圖汗號因策旺扎布獲罪削爵伊族弟格

埒克延丕勒承襲至齊旺巴勒齋已襲三世其郡王爵又係齊旺巴勒齋始祖朋素克喇布坦來歸時所封俱著恩予世襲罔替

附 輔國公格色克列傳

今襲公品級三等台吉

格色克原封扎薩克圖汗策旺扎布兄沙喇之第三子偕兄巴朗恭格為噶爾丹所遷居阿爾台山陽康熙二十九年來歸居烏蘭三十年四月

上幸多倫諾爾會巴朗恭格相繼歿格色克幼不赴因封

其叔父策旺扎布親王爵代掌部衆十月格色克
隨母布尼達喇赴訴

京師

諭曰舊扎薩克圖汗沙喇之子格色克被噶爾丹所虐逃
難來歸雖於多倫諾爾會閱時未至念伊先世通貢有
年伊父無辜被殺其子又僅留格色克一人朕甚憫之
著加恩封輔國公四十二年來朝乾隆十七年卒子多

岳特襲

一次襲多岳特格色克長子乾隆十七年襲輔國
公二十年大軍勦達瓦齊以軍營所用馬由喀爾
喀購未至定邊左副將軍親王成袞扎布恐後期
檄由烏里雅蘇台督解科布多多岳特私攜所解
馬歸牧成袞扎布劾之

詔削爵仍解馬贖罪二十二年隨賽因諾顏部郡王車
木楚克扎布招降烏梁海宰桑博和勒納木扎勒
等單騎赴濟伯拉克堡偵賊為所窘不屈歸

詔嘉之授三等台吉

賜公品級二十三年烏梁海總管阿拉善攜戶百餘叛
逃多岳特隨車木楚克扎布追擒有車根者亦烏
梁海總管也縛獻阿拉善收其衆二十四年以隨
賽因諾顏部郡王車布登扎布赴伊犁追捕嗎哈
沁不力

訓飭之二十六年解軍需赴伊犁濟貝子額爾克沙喇
軍四十六年理藩院議多岳特所封公品級例弗

予襲

諭曰三等台吉多岳特原襲伊父格色克輔國公爵因
獲罪後在軍營効力又招降烏梁海朕復施恩賜公
品級雖於例不應承襲但削除朕復不忍俟出缺時
詳察有無功過另降諭旨四十八年卒

詔其子幹珠爾扎布襲公品級三等台吉尋

諭曰幹珠爾扎布之祖格色克係舊扎薩克圖汗沙喇
之子

聖祖仁皇帝格外加恩封輔國公格色克卒朕命多岳特襲嗣因自蹈愆尤旋知悔懼復賜公品級今伊已卒若即將公品級削除祇令幹珠爾扎布承襲原有三等台吉朕實不忍是以加恩仍令襲公品級俟出缺時再行奏聞請旨

二次襲幹珠爾扎布多岳特長子乾隆四十八年襲公品級三等台吉

欽定外藩蒙古回部王公表傳卷之六十二

欽定四庫全書

欽定外藩蒙古回部王公表傳卷之六十三

傳第四十七

扎薩克多羅貝勒根敦列傳

今襲郡王品級

根敦喀爾喀部人姓博爾濟吉特扎薩克圖汗格
埽克延丕勒族祖號額爾克岱青祖碩壘烏巴什
父杭圖岱世為琿台吉居和託輝特杭圖岱兄曰
俄木布額爾德尼有子額琳沁以和託輝特兵戕

其汗旺舒克奔厄魯特見扎薩克圖汗傳蓋和託
輝特為喀爾喀極邊西近厄魯特北近俄羅斯俗
喜鬪烏梁海復錯處其間捕貂射獵依木而居納
賦和託輝特有事則籍之為兵故和託輝特雖隸扎
薩克圖汗實自為一部康熙二十五年尚書阿喇
尼奉

命赴庫掄伯勒齊爾莅喀爾喀盟以和託輝特自額琳沁
西奔久無主承

制授根敦扎薩克使領其衆二十七年噶爾丹侵所部根敦徙屬避色楞額河自引兵擊走噶爾丹將濟喇克偉徵哈什哈等二十八年所部齊巴克塔爾及諾木齊扎朗阿伊爾扎海等附噶爾丹逸走根敦追執之收其戶畜乘勝由杭愛山趨阿爾台斬噶爾丹將察罕台吉及烏爾袞而還三十二年遣達爾漢諾顏獻捷先是

上以衆喀爾喀內附獨根敦與其族錫布推哈坦巴圖魯

為噶爾丹所阻不得歸根敦復轉戰數載貢表久不至

詔遣人間道往諭令偕錫布推哈坦巴圖魯內徙至是根敦使至奏由色楞額河南徙杭愛山

上嘉悅厚賚其使三十三年四月以錫布推哈坦巴圖魯既內徙根敦弗至

遣官赴圖拉河約錫布推哈坦巴圖魯往召之九月根敦遵

諭至

詔封多羅貝勒仍兼扎薩克三十四年

命傾噶爾丹

詔所至備給馬會噶爾丹掠巴顏烏蘭根敦復被阻居色

楞額河尋移牧齊斯希布三十五年五月

上親征噶爾丹遣土謝圖汗部輔國公車木楚克納木扎

勒屬齋書赴額格穆爾布爾哈蘇台諭根敦令協

勒有阿喇布坦者噶爾丹戚族也根敦擊其衆盡

降之六月大將軍費揚古遣人由齊斯希特克木
齊克往迎根敦九月至自博羅罕請追擒噶爾丹
獎賜冠服三十六年獻所降阿喇布坦人戶是年卒子松
津僧格降襲輔國公

一次襲松津僧格根敦長子康熙三十六年襲扎
薩克輔國公四十三年卒無嗣根敦嗣子博貝降
襲扎薩克一等台吉四十四年所屬人穆庫爾等
請以博貝襲輔國公

諭曰貝勒根敦子松津僧格曾經承襲輔國公爵因伊身
故令根敦嗣子博貝以扎薩克台吉管理旗務令屬人
又請承襲公爵朕念根敦從征噶爾丹懋著勤勞著加
恩即令博貝襲扎薩克輔國公

二次襲博貝根敦嗣子初授侍衛康熙四十三年
襲扎薩克一等台吉四十四年襲輔國公五十四
年秋七月隨大軍赴推河防禦策妄阿喇布坦因
言準噶爾不靖恃烏梁海障之乞往招若抗即以

兵取扎薩克台吉濟納彌達阿里雅及根敦羅卜
藏兵俱習戰請與同往

上遵其議從之九月烏梁海頭目和羅爾邁率屬降先是
和羅爾邁居吹河嘗以越界射獵為博貝縛獻

上宥其罪諭還巢至是將遣子瑚洛虎納請降博貝至因
遷其游牧赴特斯冬和羅爾邁遣博貝追至呼爾
罕什巴爾執之還五十六年三月大軍分路勦準
噶爾

上知博貝勤慎

諭偕署副都統常關保由布魯勒趨博羅布爾噶蘇自為
一路七月敗賊衆於和特克什哩及額納特珂克
擒宰桑羅卜藏錫喇布奇爾薩噶勒等以歸五十
九年隨征西將軍祁里德由鏗格爾河擊宰桑色
布騰降其屬二千餘並擒烏梁海逃衆四百封多
羅貝勒籍準噶爾降衆

賜之雍正二年正月來朝

諭廷臣曰朕詢貝勒博貝管轄烏梁海何以資生
據奏在將軍祁里德處借餉一萬八千餘兩買
牲分給各得產業今勝於昔所借項伊自以貝
勒俸逐年扣抵朕思博貝宣力戎行勲績卓著
且烏梁海均朕百姓豈有朕之百姓而借餉於
朕之理所借銀兩著不必扣還諭祁里德知之
二月以撤兵

詔偕親王丹津多爾濟額駙策凌為所部副將軍留駐阿

爾台尋

賜博貝軍用正白旗纛三年和羅爾邁復遁由阿哩克竄
準噶爾界博貝遣次子額琳沁由托濟邀擒而自
赴克木克木齊克緝叛黨誅之四年正月偕策凌赴
阿爾台勘界初厄魯特與喀爾喀未構兵時錯處
科布多烏蘭固木噶爾丹既滅喀爾喀西境直抵
阿爾台故自唐努山陰之克木克木齊克至博木
等處皆博貝及來歸之厄魯特貝子策稜旺布所

屬烏梁海游牧其地至是策妄阿喇布坦奏克木克木齊克舊隸準噶爾乞還

上弗許慮伺間掠烏梁海

詔博貝率所部兵千隨前鋒統領定壽駐唐努山陽特斯地防護之尋

諭理藩院曰朕詳思克木克木齊克烏梁海皆博貝等所屬和羅爾邁既已就擒交博貝撫恤居之公所但念此等人向在喀爾喀邊外林木中射獵為生與準噶爾所

屬烏梁海接壤又與俄羅斯連界宜令博貝等同大臣
前往曉諭令自為預備以防不虞著傳諭博貝知之八
年卒子二長班第襲貝勒子青衮咱卜嗣次額琳
沁封輔國公子旺布多爾濟嗣後以青衮咱卜叛
誅旺布多爾濟襲貝勒

三次襲班第博貝長子雍正八年襲扎薩克多羅
貝勒九年十一月

上以親王丹津多爾濟額駙策凌既敗準噶爾於蘇克阿

勒達呼馳疏告捷不列班第名恐駐牧被擾

詔順承親王錫保傳諭班第令東徙十二月錫保奏遵

旨遣詢班第知前因準噶爾入掠由原駐桑錦達賚東遷

額格地偵賊敗遁由額格至色楞額河同扎薩克

根敦等駐牧南北兩岸嶺峻林密兼河流深濶據

要害可禦敵

報聞十二年獻駝馬助軍大將軍平郡王福彭予之值辭

不受乾隆二年卒子青衮咱卜襲後以謀叛伏誅

故不立傳仍載其事附班第傳青衮咱卜既襲扎薩克多羅貝勒授所部副將軍八年以怠玩為額駙策凌所劾

諭曰朕聞青衮咱卜凡事怠惰並不赴軍營効力去歲察閱所部防秋兵伊係副將軍所屬兵丁器械全不整飭又將伊本身開入軍營行走之列希圖雙俸經策凌察出除名嚴行訓誡喀爾喀副將軍有統轄全部之責為衆蒙古表率豈可稍有怠玩苟且因諭策

凌傳旨詢問伊俯首無詞理應治罪但既自知其罪姑行寬免飭令嗣後加意奮勉効力贖罪十三年請以其叔父公品級一等台吉額琳沁別授扎薩克許之十六年

諭曰青衮咱卜縱所屬人私出汛界與準噶爾回衆貿易以致潛居烏梁海甚屬疎懈且於特諭擒解之喇嘛扎木闡尚未解到怯懦推諉深負朕恩著革副將軍及扎薩克貝勒爵朕觀額琳沁人材出衆著襲扎

薩克多羅貝勒但念青衮咱卜係博貝長孫一旦全
削朕心殊為不忍著即以額琳沁所遺公品級扎薩
克台吉職令其調補十九年二月隨叅贊大臣薩拉
爾由崆格進屯卓克索招撫烏梁海尋以額琳沁
赴調逗遛獲罪

詔仍授青衮咱卜扎薩克貝勒原爵九月隨叅贊大臣
努三以兵千擊烏梁海宰桑赤倫於阿勒和碩謀
遁吹河由喀喇莽奈追擒之盡降其衆令所屬台

吉班扎喇克察徙之特斯偉衮地十二月敘功晉
封郡王品級復授所部副將軍二十年三月大軍
赴伊犁勦達瓦齊青衮咱卜引兵先進

賜三眼孔雀翎四月以招降烏梁海宰桑齊巴漢等

賜佩飾諸物六月至伊犁偕賽因諾顏部郡王納木扎
勒齊素龍等收達瓦齊游牧獲其孥屬並喇嘛六
千餘是月編新降烏梁海旗分補授總管以青衮
咱卜習烏梁海情

命總轄之先是杜爾伯特車凌蒙克子巴朗叛逃青衮
咱卜追至和通鄂博率兵還言巴朗由西路額琳
哈畢爾噶遁以故追之不及至是巴朗就擒青衮
咱卜言盡妄

諭責之達瓦齊就擒大軍旋以舊屬準噶爾之烏梁海
散居汗哈屯等處

命青衮咱卜往諭降八月宰桑哈爾瑪什瑪濟岱納木
扎勒保衮莽噶拉克納穆克布珠庫鄂木布等相

繼降九月

諭率烏梁海兵隨叅贊大臣哈達哈勦叛賊阿睦爾撒
納青衮咱卜請選兵五萬俟來歲進勦

諭曰前聞青衮咱卜諸事迎合阿逆曾降旨擒治念其
情尚可恕旋諭停止以觀後效今詢阿逆屬人供稱
青衮咱卜實有以班第薩拉爾叅奏之處通信阿逆
伊既從中漏洩則聞其叛遁心必惶懼現今所請派
兵追勦之說不過藉此姑延時日著傳諭哈達哈遵

前旨擒解來京方大軍之勦達瓦齊也青衮咱卜與
阿睦爾撒納同隊交甚暱定北將軍班第叅贊大
臣薩拉爾密奏阿睦爾撒納逆狀青衮咱卜微聞
之私以告阿睦爾撒納叛青衮咱卜潛遣烏梁海人
諾爾布丹津赴阿睦爾撒納所至是事發故有擒
解之

命未幾

上追念其招撫烏梁海功宥勿究會烏梁海偽傳阿逆

煽哈薩克阿布賚汗入寇仍

命青衮咱卜以叅贊大臣隨哈達哈進剿二十一年五月大軍抵烏里雅蘇台軍煽衆喀爾喀令散歸蓋自遣人赴烏里雅蘇台軍煽衆喀爾喀令散歸蓋自青衮咱卜屢干重譴

上不忍寘之法

恩宥者三至是叛蹟顯著不可復追

諭廷臣曰青衮咱卜受朕恩最深去歲將軍大臣叅奏

阿逆伊敢私自漏洩百計趨承以致阿逆趾高氣揚肆行無恥後於追緝之時觀望還縮妄言必得兩路出師五萬方可追擒種種乖謬指不勝屈前此屢欲擒治念伊祖博貝夙著勤勞施恩寬宥今無故自軍營擅歸又揚言額璘沁多爾濟達木巴扎布等治罪之後衆心疑懼而喀爾喀數年以來皆以用兵為累以其怨望之私托為他人之說妄行瀆奏藐法已極斷難姑容必當明正典刑以示懲戒著傳諭舒明阿

蘭泰如已歸游牧可諭哈達哈等旋師往勦如至舒明所駐地方即降旨擒解七月

宣諭喀爾喀王公等曰青衮咱卜係獲罪斥革之人復加恩令襲貝勒並授副將軍去歲從征伊犁封授郡王伊稍有人心自當圖報孰意深負朕恩實出情理之外此次辦理烏梁海授為叅贊予以自新之路伊至烏梁海並未擒獲鄂木布郭勒卓輝等即撤兵還雖自有哈達哈率兵往勦伊即退還無關輕重但既

為叅贊並不奏請諭旨亦未咨報將軍率兵擅還律以軍法罪不容誅且妄造浮言煽惑衆聽其心實不可問試思辦理準噶爾一事原為喀爾喀經理長久之計命將興師以期一勞永逸然選派爾部官兵俱經賞給錢糧米石購辦牲畜何次不給價值而伊乃謂以連年用兵為累是誠何心至軍營賞罰乃國家憲典所必行達木巴扎布係管理杜爾伯特游牧之人縱令已朗遁走諱匿不報額璘沁多爾濟監視阿

逆來京明知叛逆已著袖手旁觀致令免脫二人情罪斷無可逭然猶不忍加以顯戮令其自裁此而曲為寬貸國法何在伊乃謂成吉思汗裔向不治罪此語舛謬更甚如朕宗室中有犯刑章者朕又何嘗廢法耶至於稍知奮勉如巴雅爾什第桑齋多爾濟及車布登扎布等則優封顯秩賜賚便蕃伊寧不聞之耶本應除其屬衆削其封爵朕始終眷念舊勲不忍遽令漸滅所有貝勒爵仍著施恩以額琳沁之子輔

國公旺布多爾濟承襲先是衆喀爾喀為青衮咱卜
所煽或棄汛私歸或乘間肆劫青衮咱卜又分遣
其黨誘厄魯特貝子朋素克公丹拜及烏梁海總
管赤倫察達克等與同叛及聞

諭無不悔悟乞罪八月

詔以賽因諾顏部親王成衮扎布為定邊左副將軍率
師往擒會哲卜尊丹巴呼圖克圖以青衮咱卜悔
罪乞宥具奏

詔弗許青衮咱卜窘懼為擁兵自衛計脅所屬伊克和
託輝特巴罕和託輝特明噶特哈柳沁托斯奢集
努特六鄂拓克及烏梁海十六鄂拓克附已大兵
至皆棄去青衮咱卜攜孥由托濟走齊斯吉特謀
遁俄羅斯十一月成衮扎布遣叅贊大臣納穆扎
爾率輕騎往追至杭哈將噶斯擒青衮咱卜及其
子車蘇隆多爾濟齊旺扎布巴里械送

京師二十二年正月伏誅諸子皆連坐

旨宥其幼子巴里

諭曰逆賊青衮咱卜親屬理應概予駢誅但念伊祖母原封貝勒博貝之妻巴勒津年逾八旬孤苦無依博貝曾著勞績不忍令其絕嗣著加恩令巴里與之同居免其正法以示朕格外優恤至意

四次襲旺布多爾濟博貝次子額琳沁之子額琳沁初授二等台吉雍正五年隨父博貝追擒烏梁海逃人和羅爾邁於托濟降其衆八年赴科布多

軍九年大軍擊準噶爾於蘇克阿勒達呼額琳沁
由烏爾袞援勦大敗之十年復敗之於克爾森齊
老乾隆八年晉一等台吉尋

賜公品級十二年

命轄烏梁海降衆十三年授扎薩克十四年烏梁海降
人巴黨遁有烏勒木濟者馳告旺布多爾濟追至
貢替伯勒齊爾盡擒還理藩院議雖擒獲究因疎懈
所致停敘功

上以旺布多爾濟聞信疾追奮勇可嘉

賜幣尋授二等台吉十六年青衮咱卜坐縱屬私與準

噶爾互市罪削貝勒

詔額琳沁代襲其爵即

命議定烏梁海出入汎界例十七年授所部副將軍叅

贊

詔隨叅贊大臣達青阿等以兵三千赴錫喇烏蘇駐防

十八年達青阿緝擅入內汎之宰桑禡木特定邊

左副將軍親王成袞扎布檄額琳沁偕車臣汗部
公格勒克巴木丕勒助之額琳沁以馬疲弗至禍
木特逸成袞扎布劾其逗遛應削爵

諭曰額琳沁原係二等台吉朕因其人材出衆行走奮
勉授一等台吉復賜公品級嗣因伊兄子青袞咱卜
獲罪奪貝勒爵令額琳沁承襲伊自宜感激隆恩益
加奮勉乃奉將軍調遣託故不前理應治罪但念伊
父博貝舊有勞績仍賞公品級留軍營効力其貝勒

爵仍以青衮咱卜襲之伊等若知朕恩効力自贖朕亦
不究前愆否則必重治其罪十九年二月隨叅贊大
臣薩拉爾擒禍木特黨扎木闡等薩拉爾奏額琳
沁悔罪奮勉

詔封輔國公九月率兵千餘隨薩拉爾勦撫烏梁海宰
桑察達克車根等於察罕烏蘇十月復擊宰桑禍
木特及通瑪木特降之尋

命率兵二百赴圖蘇爾勒軍營聽調二十年二月行至

松樹塘病卒

諭曰額琳沁所封輔國公原非應襲之爵但念伊雖未
至軍營中途溘逝亦屬可憫著加恩以旺布多爾濟襲
時旺布多爾濟隨西路大軍進勦達瓦齊抵伊犁
達瓦齊就擒旺布多爾濟偕賽因諾顏部貝勒車
木楚克扎布引所部兵千餘還尋以阿睦爾撒納
叛隨定西將軍策楞由博囉塔勒進勦

賜孔雀翎二十一年四月

遣歸游牧七月青衮咱卜叛

詔旺布多爾濟就近擒獻

諭曰逆賊青衮咱卜背恩叛逆所襲之爵自不應復令承襲但念此爵本係博貝所襲且効力有年不忍遽削著加恩即令旺布多爾濟晉襲青衮咱卜所屬盡轄之九月

諭旺布多爾濟爾必無與逆賊同謀之事朕可深信昨據貝勒車登扎布屬人告稱逆賊令遷爾游牧爾雖

聽從並非有心附之今大兵已抵和託輝特爾若能
擒獻朕必加重賞否即率屬速赴軍營既可永受朕
恩且不墮爾祖博貝舊勲况青衮咱卜屬人不過脅
從若棄之來歸概免治罪爾其熟思審慮善自為計
毋貽後悔十一月旺布多爾濟隨叅贊大臣納穆扎
爾協擒青衮咱卜

賜雙眼孔雀翎尋量給青衮咱卜所屬人戶二十二年
五月授副盟長六月隨大軍由巴里坤擒準噶爾

叛賊呢瑪於阿爾察圖山

諭獎其功

賜郡王品級十一月卒於軍時土謝圖汗部一等台吉
三濟扎布亦以疾卒將軍親王成袞扎布以

聞

諭曰旺布多爾濟及三濟扎布久駐軍營黽勉行走前
曾降旨令歸游牧休息今已溘逝深堪憫惻著加恩
以旺布多爾濟之子車都布襲貝勒仍賞郡王品級

賜銀五百兩治喪三濟扎布之一等台吉亦令伊子
三都布多爾濟承襲並賞公品級賜銀三百兩治喪
五次襲車都布旺布多爾濟長子乾隆二十二年
襲郡王品級扎薩克多羅貝勒二十三年以烏梁
海叛賊恩克就擒

賜銀幣二十四年扈

駕木蘭行圍

賜雙眼孔雀翎

命乾清門行走二十九年授盟長三十年

賜黃馬褂三十五年授所部副將軍四十六年

諭曰車都布所襲貝勒原因博貝軍營効力由輔國公
晉封之爵著加恩世襲罔替其郡王品級係因車都
布之父旺布多爾濟効力所加出缺時朕不忍即行
削除是以仍令承襲但即令世襲罔替於例又不可
行著暫令承襲如故俟出缺時再行請旨

欽定外藩蒙古回部王公表傳卷之六十三